

Bruno Proserpio
nome d'arte Argus

E 'rivæ 'l courunevirus

É 'rivæ 'l courunevirus, da 'n paes ch'el pareve lountan,
ma incoeu ... gh'è pŭ nient che l'è lountan,
tucc i naziun, in a pourtade de man,
se per spoustas, te douperet un'aeruplan,
ma, 'nsèm a-la gent ... cunt i aeruplan,
anca i virus ... e vègnen e è van.
L'ere un virus che gh'heren doumà i animal,
e a-la gent, el gh'è faseve no mal,
ma cunt ul temp, el se trasfourmæ,
e anca 'n de-la gent, el se impiantæ.
Forzi la coulpe, l'è di cambiament,
che han fæe i omen ... e han ruinæ l'ambient,
forzi la nature ... l'è 'drée a ribelass,
magari l'è per quèst, che l'è fà sto scounquass,
bisougnarie però ciapal, coumè un insegnament,
per cambià i abitudin ... ul viff de-la gent.
Perché sto virus, che l'è un ropp piscinin,
del mound, l'è drée ha cambià 'l destin,
la countagiæe gent, de ogni naziun de-la tête,
gh'è tanti mort ... l'è par quasi 'na guêre.
Per poudé fermal, o almen ... per tegnìl countroulæe,
bisougne sta in cà, che pœ, 'l sariê ul men di mæe,
gh'è doumà i permèss, per chi è va ha lavourà,
per doutur, infermer e per chi è fà de mangià.
Sem quasi stuff, ghe par de vès di presunée,
ma bisougne resist, se voeurum no tournà indrée,
ne-la coundiziun, che serum, fin a 'n pò de temp fà,
quand gh'heren tanti mort, in ogni cità.
Scoultem quel che disen ... chi che mêne 'l tourun,
ma senze per quèst ... pasà de cuiun,
ma l'è l'unich sisteme per fermà sta brute bêstie,
per poudè un douman ... andà foeure ha fa feste.